

Na Pooch Mera Hussain (as) Kya Hai ?

**Jahan-e-Azme Wafa Ka Paikar
Khrad ka Markaz, Junoon Ka Mahwar
Jamal-e-Zehra (as), Jamal-e-Haider (as)
Zameer-e-Inssan, Naseer-e-Daawar
Zameen ka Dil, Asmaan Ka Yaavar
Dayar-e-Sabro Reza ka Dilbar
Kamal-e-Eessar ka Payambar
Shaoor-e-Aman –o-Sukoon ka Paykar
Jabeen-e-Insaaniyat Ka Jhoomar
Arab Ka Sehra, Ajam Ka Zewar**

**HUSSAIN (as) TASWEER-E-AMBIYA HAI
NA POOCH MERA HUSSAIN (as) KYA HAI?**

**Hussain (as) Ahl-e-Wafa Ki Bastee
Hussain (as) Aayeen-e-Haq Parsatee
Hussain (as) Sidq-o-Safa Ka Saathie
Hussain (as) Chashme Ana Kee Mastee
Hussain (as) Pesh-Az- Adam Tasawoor
Hussain (as) Baad Az Qayam-e-Hastee
Hussain (as) ne zindagee bikheree
Faza Se warna Qaza Barastee
Urooj-e-Haft, Aasmaan-e- Azmat
Hussain (as) ke Naqsh-e-Pa ki Masti
Hussain (as) ko khuld me na Dhoondo
Hussain (as) Mehnga, Hai Khuld Sastee
Hussain (as) Maqsoom-e-Deen–o-Imaan**

**HUSSAIN (as) MAFHOOM-E- "HAL ATA" HAI
NA POOCH MERA HUSSAIN (as) KYA HAI?**

**Hussain (as) Dil hai, Hussain (as) Jaan Hai
Hussain (as) Quraan kee Zaban Hai
Hussain (as) Irfaan Kee Saltanat Hai
Hussain (as) Sarkaar –E-Do Jahan Hai
Hussain (as) Sajdon Kee Sar Zameen Hai
Hussain (as) Zahnon ka Asmaan Hai
Hussain (as) Zakhmo Bharee Jabeen Hai**

**Hussain (as) Azmat Ka Astaan Hai
Utha Raha Hai, Jo Lash-E-Akbar (as)
Hussain (as) Boodha Nahin Jawan Hai
Woh Sar-Kharoo-e- Nasheb-e-Sehra
Woh Sar Buland-e-Sar-Sana Hai
Woh Badr-e-Aflak-e-Admiyat**

**WOH SDAR-E-ARBAB-e KARBALA HAI
NA POOCH MERA HUSSAIN (as) KYA HAI?**

**Hussain (as)Imman Ki Justajoo Hai
Hussain (as) Yazdan kee Abroo Hai
Hussain (as) Tanha Tha Karbala Me
Hussain (as) Ka Zikr Chaar Soo Hai
Furaat Kee Nabz Ruk Gayee Hai
Hussain (as) Masroof-e-Gufatagoo Hai
Jahan Gulabon Se Kat gaya Hai
Hussain (as) Shayad Lahoo Lahoo Hai
Hayat Ke Irtaqa Se Pucho
Hussain (as) Payghambar-e-Namoon Hai
Hussain (as) Ka Hosla Na Poocho
Hussain (as) Lut Kar bhee Surkharoo Hai
Woh Dekho Faujo Ke Darmayan Bhee**

**HUSSAIN (AS) TANHA DATA HUA HAI
NA POOCH MERA HUSSAIN (as) KYA HAI?**

**Hussain (as) Nikhra Hua Qalandar
Hussain (as) Biphra Hua Samandar
Hussain (as) Baste Dilon se Aage
Hussain (as) Ujde dilon Ke Andar
Hussain (as) Sultan-e-Deen-O-Imman
Hussain (as) Afkaar ka Sikandar
Hussain (as) Se Aadmee ka Rutba
Hussain (as) Hai Aadmi Ka "Man-Dar"
Khuda Ke Bakhshish Hee Khema Zan Hai
Hussain (as) Kee Saltanat ke Andar
Hussain (as) Daata, Hussain (as) Raja
Hussain (as) Bhagwan, Hussain (as) Sundar**

Hussain (as) Akaash ka Rishi Hai

HUSSAIN (as) DHARTEE KEE AATMA HAI
NA POOCH MERA HUSSAIN (as) KYA HAI?

Hussain (as) Maidan Ka Sipah
Hussain (as) Dash-E-Ana ka Raahi
Hussain (as) Farq-e-Ajal ka Bal Hai
Hussain (as) Andaaz-e-Kajkalahi
Hussain (as) Ki Garde-e-Pa Zamana
Hussain (as) Ki Thokaraon Me Shahi
Hussain (as) Meraaj –e- Fikr-e-Aalam
Hussain (as) Ramz-e-Jahan Panahi
Zameer-e-Insaaf Li Lughad Me
Hussain (as) Meyar-e-Be-Gunahee
Banam-e-Jabr-o-Azoor-e-Shahee

HUSSAIN (as) GHAYRAT KA FAISALA HAI
NA POOCH MERA HUSSAIN (as) KYA HAI?

Hussain (as) Fikr-o-Ana Ka Ghazee
Hussain (as) JangGaah Me Namazee
Hussain (as) Husn-e-Nayaz Mandee
Hussain (as) Aijaz-e-Be-Nayazee
Hussain (as) Aaghaz-e-jaan Nesaree
Hussain (as) Anjaam-e-Jaan Gudazee
Hussain (as) Tauqeer-e-Kar-Bandee
Hussain (as) Taaber-e-Kar-Saazee
Hussain (as) Mojiz Numaye Dauran
Hussain (as) Haq Ki Fagoon Tarazi
Hussain (as) Haara to youn ke Jaise
Hussain (as) Ne Jeet Lee Ho Baazi
Hussain (as) Saare Jahan Ka Waris

HUSSAIN (as) KEHNE KO BE NAWA HAI
NA POOCH MERA HUSSAIN (as) KYA HAI?

Hussain (as) Payghambar-e-Baharaan
Hussain (as) Taskeen-e-Dilfigaraan
Hussain (as) Meer-e-Hejaz-e-Hastee
Hussain (as) Saalar-e-Shehsawaran
Ke Deeda-o-Dil ke Dash-o-Dar Me
Hussain (as) Tamseel-e-Abr-o-Baraan
Hussain (as) Tadbeer-e-Jaan faroshaan
Hussain (as) Taqdeer-e-Sogwaraan
Kabhee to Chashm-e-Hunar se Dekho
Hussain (as) Rashk-e-Rukhe Nigaran
Hussain (as) Husn-e- Mahe Muharram
Hussain (as) Hee Eid-e-Rozdaraan
Hussain (as) Sar-Maya Ambiya Kaz

**HUSSAIN (as) AIJAZ-E-AULIYA HAI
NA POOCH MERA HUSSAIN (as) KYA HAI?**

Hussain (as) Ek Dil Nasheen Kahani
Hussain (as) Dastoor-e-Haq ka Baani
Hussain (as) Abbas (as) Ka Sarapa
Hussain (as), Akbar (as) Ki Naujawani
Hussain (as) Kirdaar-e-Ahl-Imman
Hussain (as) Meyaar-e- Zindagani
Hussain (as), Qasim (as) ki Kam-Numai
Hussain (as), Asghar (as) ki Bezubani
Hussain (as), Sajjad (as) Ki Khamoshee
Hussain (as) Baqar Ki Nauha khani
Hussain (as) Dajla ka Khush Saahil
Hussain (as) Sehra ki Bekarani

Hussain (as), Zainab (as) kee Kasm-o-pursee

**HUSSAIN (as), KULSSOM (as) KI REDA HAI
NA POOCH MERA HUSSAIN (as) KYA HAI?**